

VIRO  
Nobili, Amplissimo, Excellentissimo, Experientissimo  
DOMINO  
ANDREÆ BERNHARTO LEHMANO,  
MEDICO DOCTORI Felicissimo & Celeberrimo, Patrono & Promotori

Suo magnò, expressis Patrum Conscriptorum & tacitis Civitum votis oblatos  
Reipubl. patriæ Budissinæ fasces Consulares devotè atq;  
observanter gratatur

JOH. Thell M. P. L. C. Scholæ Evangelicæ ibid. Rector.  
VII. Eid. Januar. Cl. C. XLIV.



**R**istina nunc abeant, maneatqve priora sepulta,  
Quæ nostros nimium divexavere penates,  
Quum nunc BUDISSAM novus hic suffulserit Atlas,  
Consilij illustris totum qvî torqveat axem,  
Sub quo confidunt prudentia Corcula Patres:  
Sint cunctis oblita tot infortunia, tanti  
Fluctus irarum, atq; infanda pericula belli,  
Stupra, fames, pestis, cædes, & furta, rapinæ  
Et pecudum, & pecorum, & segetum, & tegetum atq;  
liqvorum.

Quin potius redeant faustissima tempora pacis,  
Pacatum regimen, tranquillæ munera vitæ,  
Quæis quisquam sub vite suâ ficuq; pererret  
Tutus & incolumis, securus, largus, amandus,  
Ferre DEO donum devoti cordis & oris,  
Vicinoq; suo vultum præbere benignum,  
Et stipem atq; epulas, ceu gens Romana solebat,  
Quum sub Saturno sine noxâ viveret ætas.

Forfan, O ut numquam mage vaticinarer! in istud  
Hoc voluere decus Superi protollere tempus,  
Quo Tibi concessos Romano à Cæsare fasces,  
Et confirmatos Rutato à Saxone fasces,  
Aqve Budissino depòstos Consule fasces,  
Concordi procerum voto LEHMANE prendis.

Per Te, Sancte DEUS, Pater Optume Maxume, per Te  
Stabimus, & per Te ex tenebris surgemus ad astra,  
Per Te cessabunt civilia murmura belli,  
Per Te, quæ terrent nunc, tympana rauca quiescent,  
Per Te terribile hoc belli taratantara versum  
Audiet in templo exultans Ecclesia Christi,

Et, quæ nunc homines moribundos conficit, hasta,  
Aut penitus sævâ tandem ferrugine edetur,  
Mitior aut ruri lætas concidet aristas.  
Tu modò (cui mentem infudit Baptisma VIRILEM, &  
DURITIE URSINA vestivit ad ardua quæq; ANDRE,  
Ardua curarum toleranda atq; ardua rerum) AS  
Ceu fueras ægris Podalirius atq; Machaon, BERN-  
Sapienter & diræ fregisti spicula Mortæ, HART.  
Sic esto afflictæ Cicero atq; Menenius urbi,  
Quo Catilina fuit dominâ depulsus ab Urbe,  
Quo sociata fuit rursus plebs bruta Senatû:  
Urge animo intrepido, quas cepisti, urbis habenas,  
Rite DEUM venerare Tuum, venerare potentem,  
Vive Josaphatum, devotum vive Davidem,  
Et Salomonæas exora Numen ad aras,  
Sis Urbis speculum, sis Dux, sis auctor & augur  
(Consulis exemplo urbs & peccat & abstinet omnis)  
Æquis justitiam dispendas lancibus, æquis  
Auribus accipias, quas fert & Græsus & Irus  
De non concessis aut violato jure querelas,  
Præmia sunt probis, esto & sua poena malignis.  
Gymnasium inprimis gemebundâ voce precatur  
Mansuras sedes, si pristina mœnia bellum  
Eripiat, Musis certum solamen, & ipsis,  
Pulcra juventuti qui instillant dicta, Magistris,  
Quorum ego postremus, vel Te censente, futurus  
Haut fuero, officiosus in hæc & relliqua vota.  
Sic Budissâ iterum caput inter sidera tollet,  
Sic veteres iterum famæ ædificabimus aulas,  
Sic iterum Jhovæ reddemus vota per aras.

D R E S D Æ,

Typis Hæredum GIMELIS BERGEN, ELECT. SAX. Chalcogr.

M. DC. XLIV.